

朱充煙

輔國中尉宗約俊襟子仁孝雅飭厚產讓弟教子維翰入庠焚千金券賑三百粟施惠三十載

座幣千餘又有鎮國將軍仕樓輔國將軍成錢成鎮奉國將軍聰藻鎮國中尉俊裨輔國中尉充倭俱以孝義旌表出粟賑饑勤

學皆賢王孫也

秦德

沁水人兄恭因酒殺人德以兄長無嗣而已有二子欲代兄死抵官遂誣服後御史行縣疑其寃欲

直之德恐不利於兄終不辨棄市鄉里義之遺妻潘氏時年二十五守節不再醮事姑舅撫孤兒終身無玷

韓巍

沁水人隰州王府儀賓賈寓河南太康縣楊家集值師尚詔作亂攻陷歸德府將趙太康道經楊家

集居民逃避其不去者皆爲擄掠巍獨據一樓拒之賊率衆圍樓巍以磚石鐵器擊之賊多被傷凡三日而力竭賊縱火焚樓巍墜樓被縛賊脅與同事巍大罵不屈賊怒割其股斷其舌而殺之賊去里人霍鎮收其屍面色如生方賊抵楊家集時康邑無令守具未備次日而署事蕭通判至比賊至而守具已完攻不能克說者謂